

MGA PANALANGIN SA PAGHINGI NG AWA SA BANAL NA MUKHA NI HESUS

na hiniling ng ating Panginoong Hesukristo. Itong mga panalangin ay binibigkas tuwing araw ng Linggo at mga pista, kung maari sa harap ng Santisimo Sakramento o kaya sa imahen ng Banal na Mukha.

Panginoon, sa pamamagitan ng Kalinis-linisang Puso ni Maria, iniaalay ko (namin) ang mga panalanging ito upang humingi ng awa sa mga kasalanan gumagalit sa Diyos sa aming panahon- ang sala ng KAPUSUNGAN at KAWALANG-GALANG SA ARAW NG LINGGO at sa lahat ng iyong mga pista:

Ama Namin, Aba Ginoong Maria, at Luwalhati

ANG “GINITUANG PANA” (GOLDEN ARROW)
Dinikta ng Ating Panginoon kay Sor. Maria de San Pedro
Nawa ang kabanal-banalang, kasantu-santuhan, kadangal-dangalan, at kaibig-ibig na Ngalan ng Diyos ay laging purihin, mahalina, luwalhatiin, dangalin, at sambahin sa langit, sa lupa, at sa ilalim ng lupa, ng lahat ng likha ng Maykapal, at ng Kabanal-banalang Puso ni Hesus sa Kabanal-banalang Sakramento ng Altar. Amen.

Matapos tanggapin ang panalanging ito, nakita ni Sor. Maria de San Pedro na masayang nasugatan ng gintong pana ang Puso ni Hesus, at bumaba mula rito ang baha ng biyaya para sa pagbabalik-loob ng mga makasalanan.

LITANIYA NG BANAL NA MUKHA NI HESUS

Igininagalang kita, sinasamba kita, at minamahal kita, O Banal na Mukha ni Hesus, aking Minamahal, pinakaselyo ng pagka-Diyos, iginalit ng kapusungan! Iniaalay ko sa iyo, sa pamamagitan ng puso ng iyong kapuri-puring Ina, ang pagsamba ng lahat mga Anghel at Santo, humihiling sa iyo na ayusin at baguhin sa akin at sa lahat ng tao ang iyong Imaheng nadungisan ng kasalanan.

O banal na Mukha na sinamba ng buong paggalang ni Maria at Jose sa unang pagkakataon, kaawan mo po kami.

O banal na Mukha na napuno ng tuwa sa sabsaban sa Bethlehem, ang mga Anghel, pastol at haring mago, kaawaan...

O banal na Mukha na pumukaw ng pagmamahal sa

Templo, ang banal na matanda na si Simon, at ang propetesang si Anna, kaawaan...

O banal na Mukha, na nagpauwa sa mga Doktor ng Kautusan noong nagpakita ka sa Templo sa gulang ng labing-dalawa, kaawaan...

O banal na Mukha, pinakamaganda simula't sinauna hanggang sa itong panahon, kaawaan...

O banal na Mukha, dakilang Gawain ng Espirito Santo, kung saan ito'y ikinatutuwa ng Amang walang hanggan, kaawaan...

O banal na Mukha, salamin ng lahat ng kabanalan, kaawaan...

Banal na Mukha ni Hesus, na yumuko sa Krus noong araw ng Pagpapakasakit sa kaligtasan ng mundo! Muli, kaawaan mo kami ngayong mga makakasalanan. Tumingin ka sa amin ng may Awa at ipagkaloob mo sa amin ang kapayapaan.

O banal na Mukha, sinliwanag ng araw at kuminang ng kaluwalhatian sa bundok ng Tabor, kaawaan...

O banal na Mukha, na lumuha at nabahala sa libingan ni Lazaro, kaawaan...

O banal na Mukha na nalungkot sa tanaw ng Herusalem, at lumuha sa lungsod na ito, kaawaan...

O banal na Mukha, na yumuko sa lupa sa Hardin ng Gethsemane, at natabunan ng kaguluhan sa aming mga sala, kaawaan...

O banal na Mukha, na pinagpawisan ng dugo, kaawaan...

O banal na Mukha, na sinampal ng isang katulong, tinakpan ng kahihyan, at dinungisan ng masasamng kamay ng iyong mga kaaway, kaawaan...

O banal na Mukha, na kung saan sa isang pagsulyap ay nagdulot sa puso ni San Pedro ng pag-ibig at habag, kaawaan...

Kaawaan mo kami, O Diyos! Dinggin mo ang aming mga panalangin, at sa gitna ng aming pagdurusa'y pangangailangan, aming tinawag ang iyong Banal na Pangalan at aming hinahanap nang may pag-ibig ang iyong Mukha.

O banal na Mukha na hinugasan at nilinis ni Maria at ng mga banal na kababaihan, at tinakpan ng tela, kaawaan...

O banal na Mukha, puno ng kinang ng kadakilaan at kaluwalhatian noong araw ng muling pagkabuhay, kaawaan...

O banal na Mukha, natatago sa Eukaristiya, kaawaan...
O banal na Mukha, na magpapakita sa wakas ng panahon nang may buong kapangyarihan at kadakilaan, kaawaan...

O banal na Mukha, kinatatakutan ng mga may sala, kaawaan...

O banal na Mukha, na paliligayahin ang mabubuti sa langit nang walang hanggan, kaawaan...

O banal na Mukha, karapat-dapat n gaming paggakang, pagsamba, at pagmamahal, kaawaan...

O Panginoon, ipakita mo sa amin ang iyong Mukha, at kami'y maliligtas!

O Panginoon, ipakita mo sa amin ang iyong Mukha, at kami'y maliligtas!

O Panginoon, ipakita mo sa amin ang iyong Mukha, at kami'y maliligtas!

PANALANGIN NG PAG-AALAY NG BANAL NA MUKHA NI HESUS SA DIYOS AMA UPANG HUMINGI NG AWA AT HABAG

Amang makapangyarihan at walang hanggan, ibinigay ng iyong Anak na aming Tagapagligtas ang kapangyarihan ng kanyang Banal na Mukha sa aming panahon. Amin ngayong inaangkin ang yaman na ito sa aming matinding pangangailangan. Dahil sa ipinangako Niya mismo na sa bias ng pag-aalay ng kanyang Mukha, makukuha namin ang aming mga pangangailangan, at walang ipagkakaila sa amin, kami ngayo'y lumalapit at sumasamo sa iyong trono.

Amang walang hanggan, ilayo mo po sa amin ang iyong galit sa makasalananang sangkatauhan, kung saan ang aming mga mukha ay inyo nang kinasusuklaman. Tumingin na lang kayo sa Mukha ng iyong Kaibig-ibig na Anak; dahil ito ang Mukha na nagpapasaya sa iyo.

Aming iniaalay ang kanyang Banal na Mukha, nadumihan ng dugo, pawis, alikabok, dura, at kahihyan, bilang paghingi ng awa sa mga kasalanan ng aming panahon-ateismo, kapusungan, at paglalapastangan sa iyong mga Banal na Araw. Kami po ay umaasa at nananalig na mahimasmasan ang iyong galit na karapatdapat sa amin. Ang Maawain ay magsasalita para ihingi na pakinggan ang aming pagsamo; making ka sa Kanyang pagsamo, silayan mo ang Kanyang mga luha, O Diyos, at sa bias ng kanyang Banal na Mukha, making ka sa kanyang mga samo para sa aming mga makasalanan. Amen.

“Magbunyi ka, anak, dahil parating na ang oras kung saan ang pinakadakilang Gawain sa lupa ay ipanganganak na”

Ang Panginoon, kay Sor. Maria de San Pedro



ANG BANAL NA MUKHA NI HESUS

Kopya ng milagrosong imahen sa belo ni Santa Veronica (Ang aktwal na belo ay nakatabi sa Basilika ni San Pedro, Roma)

MGA PANGAKO NG ATING PANGINOONG HESUKRISTO

kay Sor. Maria de San Pedro, madre ng Orden ng Carmel, ng Tours, Pransiya sa lahat ng magdadangal ng kanyang Banal na Mukha

1. Sa pag-aalay ng aking Mukha sa Amang walang-hanggan, walang ipagkakaila sa kanila, at ang pagbabalik-loob ng mga makasalanan ay makakamit.
2. Mangyayari ang mga himala, mahihimasmasan ang galit ng Diyos, at kaaawaan ang mga makasalanan sa pamamagitan ng aking Banal na Mukha.
3. Ang lahat ng magdadangal sa aking Mukha ay parang ginawa na rin ang ginawa sa akin ni Santa Veronica.
4. Sa pag-aalaga ng aking Mukhang nilapastangan, aalagaan ko rin ang kanilang mga kaluluwang

nadungisan ng kasalanan. Ang aking mukha and selyo ng pagka-Diyos, na kung saan maari nitong gayahin sa kaluluwa ang imahe ng Diyos.

5. Ang mga magtatanggol sa gawaing ito, sa pamamagitan ng salita, panalangin, at panulat, lalo na ang aking mga pari, sila’y ipagtatanggol ko sa aking Ama, at ibibigay ko sa kanila ang aking kaharian.
6. Kung sa isang kaharian maari nilang makuha ang kanilang ninanais sa pamamagitan ng barya ng Hari, sa kaharian ng langit, makukuha nila ang kanilang ninanais sa pamamagitan ng aking Banal na Mukha.
7. Ang mga magmamasid ng aking mga sugat sa mukha sa lupa ay masisilayan itong maliwanag ng kaluwalhatian sa langit.
8. Matatanggap nila sa kanilang kaluluwa ang maliwanag na kinang ng aking pagka-Diyos, at kakaiba ang magiging liwanag nito sa langit.
9. Ipagtatanggol ko sila, ilalayo ko sila sa pahamak, at ipapangako ko sa kanila ang aking awa sa kanilang huling sandali.

IBA PANG MGA MENSAHE NG ATING PANGINOON PATUNGKOL SA DEBOSYON SA BANAL NA MUKHA, ayon kay Sor. Maria de San Pedro

- ...*Ayon sa kalooban ng Diyos, ito’y dapat itaguyod sa bawat diyosesis, nararapat na ito’y ipalaganap, at bigyan ng basbas ng Papa nang hindi ito mawala.*
- ...Itong debosyon na ito ay may DALAWANG LAYUNIN: ANG PAGHINGI NG AWA SA DIYOS SA SALA NG KAPUSUNGAN AT PAGGAWA SA LINGGO at mga pistang pangilin-ang dalawang sala na gumagalit sa Diyos. Sabi ni Sor. Maria, “Ipinakita niya sa akin kung papaano nasusugatan ang kanyang Pusong kapusungan. Sa pamamagitan nito, ang mga makasalanan ay nilalapastangan ang kanyang mukha, inaatake Siya sa harap ng madla. Nawawala ang bias ng pagligtas niya, at nagkakaroon na siya ng sarili niyang paghukom... Ipinaunawa niya sa akin na nababahala siya sa mga sala ng sanlibutan, partikular na ang mga sala na humahamon sa kadakilaan ng Diyos- komunismo, ateismo, masamang pananalita, at pagwawalang-bahala sa araw ng Linggo at mga pista. Sabi niya, ‘Ipinako nila ako sa krus noong araw

ng Biyernes, samantalang ang MGA KRISTIYANO AY IPINAPAKO AKO SA ARAW NG LINGGO.’”

- ...*MAGKAROON DAPAT NG ASOSASYON NA ANG TAWAG AY “TAGAPAGTANGGOL NG BANAL NA PANGALAN NG DIYOS”*
- ...Bawat araw, sa diwa ng paghingi ng awa, ang mga miyembro ay dapat manalangin ng isang Ama Namin, isang Aba Ginoong Maria, isang Luwalhati at ang panalangin na “Ginituang Pana” (Golden Arrow Prayer). Sa araw ng Linggo at mga pista, LAHAT ng panalangin ay dapat ibigkas.
- ...*Ang mga miyembro ay hindi dapat gumawa ng trabaho sa araw ng Linggo kung kinakailangan, at kumbinsihin ang iba na huwag magtrabaho ng hindi kinakailangan sa Araw ng Panginoon.*
- ...Sila ay dapat magsuot ng isang espesyal na krusipiho na may salitang “Pagpalain nawa ang Ngalan ng Diyos” sa isang gilid, at sa kabaliktaran nito, “Mawala ka, Satanas!” na magbibigay ng biyaya na iwasan ang demonyo ng kapusungan.
- ...*Sa tuwing makakarinig sila ng masamang pananalita, dapat niyang bigkasin ang mga salita sa krusipiho, nang mawala ang kasamaan at magbigay-galang sa Diyos.*
- Ang asosasyon na ito ay isasailalim sa proteksyon ng mga Patrong Santo: Miguel, Jose, Martin ng Tours, Luis, Veronica, at Teresa ng Avila.
- ...*Nais ng ating Panginoon na ang kanyang Banal na Mukha ay ialay sa kanyang mga Anak sa gawaing ito upang idangal ito. Ang kanyang Banal na Mukha ay ang pinakaimahe ng Diyos. “Ialay niyo ito nang walang tigil sa aking Ama para sa kaligtasan ng inyong bansa at lahi.”*
- ...”Ang yaman ng aking Banal na Mukha ay mayroong malaking halaga, na sa pamamagitan nito LAHAT ng inyong ninanais ay inyong makakamit.”
- ...”*Kung alam niyo lang kung gaano kahalaga ang aking Mukha sa aking Ama.”*
- ...Ito ay isang maagang rebelasyon tungkol sa Komunismo. Sabi ng Panginoon na itong debosyon na ito ang tatalo rito. Ibig sabihin, ito ay katambal na debosyon ng Fatima-kinakailangan para sa kaligtasan ng mundo. (Maraming eksperto ang nagsasabi na ang

“pagbagsak” ng Komunismo ay isang kasinungalingan, at itong mga debosyong ito ay mas kinakailangan ngayon, kaysa dati).

- ...*Sinabi ng Panginoon kay Sor. Maria “Sumpa sa mga lungsod na hindi hihingi ng awa!”*
- Sabi rin niya, “Kinukuha na ang mga makasalanan sa mundong ito, at sila ay nahuhulog sa apoy ng impiyerno katulad ng alikabok sa isang bagyo. Maawa ka sa iyong mga kapatid, ipanalangin mo sila”
- ...*Maari itong gawing NOBENA NG PAGHINGI NG AWA AT BIYAYA sa pagbigkas ng “Ginituang Pana” (Golden Arrow Prayer) at ang “Litanya ng Banal na Mukha” sa siyam na magkakasunod na araw, sa harap ng Santisimo Sakramento o sa isang imahe ng Banal na Mukha, at sa pamamagitan ng pangungumpisal at pagtanggap ng Komunyon.*

Itong mga rebelasyon at mensahe ng ating Panginoon ay matatagpuan sa aklat na pinamagatang THE GOLDEN ARROW (www.tanbooks.com). (*Kung sakaling walang pormal na asosasyon sa parokya, ang mga indibidwal ay dapat manalangin at sundin ang mga direktiba ng ating Panginoon sa abot ng kanilang makakaya.*)

ANG MGA MENSAHE NG ATING PANGINOON AY SINUNDAN NG TATLUMPUNG (30) TAON NG MGA HIMALA, na nagpapatotoo sa kapangyarihan ng debosyon na ito. Noong 1885, ang Santo Papa, Leo XIII, sa pamamagitan ng isang sulat, ay itinatag ito bilang isang arconfradia (archconfraternity), PARA SA BUONG MUNDO. Ito ay ginagawa ng sandaigdigang hanggang sa ilang taon bago ang Unang Digmaang Pandaigdig. ANG PAGPAPABAYA SA DEBOSYONG ITO, AT SA MGA HILING NG ATING MAHAL NA BIRHEN SA FATIMA NOONG 1917, LALO NA ANG ARAW-ARAW NA ROSARYO, ay sinundan ng dalawang pandaigdigang digmaan, ang pagpatay at pangaalipin ng bilyung-bilyong tao sa ilalim ng Komunismo, at pagdami ng kasalanan at kawalan ng paniniwala. Itong pamphlet na ito ay inilathala para mabuhay muli ang importanteng debosyon na ito, na gusting patagalin ng Kristo hanggang sa wakas ng panahon. **Ito rin ang paboritong debosyon ni Santa Teresita del Niño Jesus.** Sabi niya na ang naghihirap at duguang Mukha ni Hesus ay ang pundasyon ng kanyang kabanalan. Sa edad na labingdalawa, si Santa Teresita at kanyang buong pamilya ang nagparehisro sa Arconfradia ng Paghingi ng Awa sa Banal na Mukha ni Hesus (Archconfraternity of Reparation to the Holy

Face of Jesus) sa Tours, Pransiya. Tinawag ng Papa, San Pio X kay Santa Teresita, “Ang pinakadakilang santa ng modernong panahon”.

PARA SA NAGNANAIS NG HIGIT PA

Isang panalangin na maaring dasalin AMA NA WALANG HANGGAN, iniaalay ko po sa inyo ang Banal na Mukha ni Hesus, na nadumihan ng dugo,pawis, alikabok, at dura, para sa ikapagpapatawad ng mga sala ng komunismo,kapusungan, kawalang-galang sa inyong Banal na Pangalan at sa Banal na Araw ng Linggo.

ISANG TSAPLET (CHAPLET OF REPARATION) ang ibinigay ng ating Panginoon kay Sor. Maria de San Pedro para labanan ang mga kaaway ng Diyos, lalo na ang mga komunista. ***Ibigkas sa Krusipiho:** *Ama na walang hanggan, iniaalay ko po sa inyo ang Krus ng Aming Panginoong Hesukristo, at ang lahat ng instrumento ng kanyang Banal na Pagpapakasakit, nang sa gayon ay mahati ang kampo ng iyong mga kaaway, dahil sinabi ng iyong Kamahal-mahalang Anak, “Ang kahariang watak-watak ay babagsak.”*

***Sa susunod na limang butil, ibigkas:**

- 1) Nawa’y bumangon ang Diyos at ikalat ang kanyang mga kaaway, at ang lahat ng galit sa kanya’y umalis sa harap ng kanyang Mukha!
- 2) Nawa ang Kabanal-banalang Ngalan ng Diyos ay wasakin ang kanilang masamang mga balak!
- 3) Nawa ang Banal na Pangalan ng Diyos na Buhay ay hatiin sila sa pag-aaway!
- 4) Nawa ang Pangalan ng Diyos na walang hanggan ay burahin ang kanilang kawalang-Diyos!
- 5) Panginoon, hindi ko ninanais ang kamatayan ng makakasalanan, kundi sila’y magbalik-loob at mabuhay. “Ama, patawarin mo sila, dahil hindi nila alam ang kanilang pinaggagagawa.”

***Sa medalyon bigkasin:** Ang panalangin ng “Ginituang Pana” (Golden Arrow Prayer)

***Sa tatlumpu’t-tatlong butil, bigkasin:** Bumangon nawa ang Diyos at ikalat ang kanyang mga kaaway, at ang lahat ng galit sa kanya’y umalis sa harap ng kanyang Mukha!

***Sa anim na malalaking butil, ibigkas:** “Hesus, patawad” at isang Luwalhati

***Sa medalyon sa dulo, ibigkas:** ang panalangin sa itaas, at “O Maria, ipinagilihi ng walang bahid ng kasalanan, ipanalangin mo kaming nananalig sa iyo.”

PARA SA LIBRENG TSAPLET NA NABASBASAN NA, at iba pang katanungan, sumulat:

Immaculate Heart of Mary Apostolate, PO Box 2407, Milford, Connecticut 06460, USA www.holyfacedevotion.com